

第一五五冊

方輿彙編

職方典

荊州府部

長沙府部

(卷)

二五—二〇〇

二〇一—二〇六

古今圖書集成

中華書局影印

欽定古今圖書集成方輿彙編職方典

第一千一百九十六卷目錄

荊州府部彙考十

荊州府古蹟考二

職方典第一千一百九十六卷

荊州府部彙考十

荊州府古蹟考二

府縣志合載

公安縣

屏陵城 前漢置縣于此南朝因之隋始易名

公安宋末徙縣於油口遺址猶存魏奇有過屏

陵詩秋風禾黍連阡陌夜雨桑麻滿故城舊日

甘棠今在否月明猶聽頌歌聲蓋為庾子真作

也

夫人城 與舊屏陵城接相傳孫夫人居此然

孫吳時王夫人亦曾居公安未知夫人誰也

呂蒙城 世傳以為屏陵舊址或云即今舊城

也按子明在公安封屏陵侯即卒不應有城少

陵古本作呂蒙營在縣治北

古城 在舊邑南十五里大光村

鷄鳴城 在郝鄆北一里溝壘俱整

先主營 在油江口今板橋一帶壁壘參差溪

流宛轉疑即其故址也

劉郎浦 在渡口宋趙抃過公安有劉郎浦詩

今石首亦有劉郎渡

走馬隄 相傳左將軍走馬處一在大光村一

在東西村

靈溪 隋地理志公安有靈溪水按宋書武帝

紀何無忌劉道規既至江陵與桓振戰于靈溪

龍穴 在廖解村吳孫亮時有靈龍鳴即此穴

大賢里 智者禪師生處荊州碑載禪師初欲

出家母謂之曰甘旨當誰具耶師遂指茅為穗

後人神之因以名村呼其里曰大賢里

聖母塔 即智者禪師之母在茅穗里

上明 晉書江陵縣界北名上明田土膏腴可

以資業今松滋有上明城疑即晉刺史桓冲治

所非此上明也

龍牆 在縣東四里臨西河亦舊城址也上者

曰上龍牆下者曰下龍牆中有城亦曰鷄鳴城

遺址甚具地乃未安鄉或即宋鄉儒縣故壘

濯足池 在石馬橋相傳洞賓濯足於此又云

舊有碑題曰回道人濯足處

孟撫莊 在邑南門外忠義舊置莊也

杜機園 龔侍御仲慶園也在石浦河東岸有

光碧堂雲在亭又繫石為山高數丈其巔可席

因山為洞曰瀟湘洞下為池飛瀑注於簷端有

石生成花木皆名品少師申時行侍郎劉鳳皆

有詩後以江漲欲移家斗隄遂盡搬毀

白蓮莊 鄒司徒文盛莊也距舊城三里內有

何氏塋

少陵草堂 相傳中隱口有亭得杜少陵

廢于美有言數月忽息此縣考史公安在隋唐

徙治屏陵草堂不應在此而子美詩有江深風

浪等語則為油口無疑豈本國遷徙不恆耶姑

闕之以俟參考

上湖書舍 在中隱口明蔡潛王恂讀書處

山館 當是古鄆社少陵有公安山館詩

荷葉山房 明太史歸宗道讀書處在長安村

呂仙臺 距呂仙亭半里許相傳洞賓渡女子

於此今大光村有仙女堆禱雨輒應

呂仙亭 當斗湖勝處相傳呂仙曾遊此後人

追而亭之地底有杉椿旱乾時則往往見之魏

奇詩霜寒遠樹千年暗月冷平湖一鏡明

憩息亭 在葛港渡亦子美遺蹟也

空明亭 何方伯珊水亭也在城西北隅周廻

皆水公為亭於上今廢

西莊草亭 在板橋亦王恂別墅其自記曰西

莊王氏之故廬也

小竹林 王孝廉承光舊館在斗隄之右前臨

油江數十畝皆竹

觀瀾閣 在油河口象鼻嘴即舊靈均祠也前

有亭俯視迴瀾最稱勝地今岸頽遂不復存

萊公竹 寇準貶雷州卒歸葬西京道出公安

邑人皆設祭哭於路折竹植地掛紙錢逾月枯

竹盡生笋衆為立祠歲時祀之

石首縣

董王臺 在縣治北五十里俗傳董允與諸葛

武侯駐兵於此

望夫臺 在楚望山上先主入蜀孫夫人於此望之因名至今石臺尚存高五十餘丈

繫馬臺 在縣治南八十里相傳朱岳飛討楊玄時於此臺繫馬因名

調絃亭 在縣東六十里相傳伯牙鼓琴於此因名又云孫權射處下有彈子山

錦幘亭 在楚望山上昔昭烈駐馬於此繡林亭 漢昭烈孫夫人於此結繡如林因名

碓臼嶺 在縣治東六十里東山之麓有異僧駐錫於此置石碓臼容米八合每晨得米飯僧有行脚僧病其隘因鑿拓之米遂不產至今石

白尚存

土城壕 在縣治西三十里漢昭烈曾於此屯兵基址尚存

麒麟塚 在白洋鋪相傳有麒麟產此人以為怪撲而埋之塚自湧起如阜因名

照影橋 在縣西楚望山下相傳孫夫人照影於此

八仙洞 在縣西八仙山下有洞今塞外有石棋杆邑人李文熙為亭覆之今亭猶存

劉郎浦 在縣大江北漢昭烈駐兵於此因名

插旗頭 在縣北五十里相傳吳王駐兵於此插旗因名

飲馬池 在東山鹿角峯范蠡泛舟五湖嘗居此養馬繫池飲之

落馬灣

在縣東十五里昔關公追曹操走華

容偶駐於此因名

萬石灣 在楚望山下萬石峭立水甚湍急汲之煮茶其味雋永不減三峽

三峰疊秀 古有三公之識

藕池霽月 楊文定公故里

黃山雲雨 有龍井雲井朽木樹兕牛岩諸景

石壇環秀 有水繞石壇縣出狀元之識

白洋龍潭 曾有白龍產鱗之異

黃蓮晚收 湖產蓮花其色甚黃因名

古井晴嵐 有龍湫其深莫測每遇奇旱不涸

鹿角霽雪 有劉忠宣碑記

監利縣

成都王國 晉割南郡之華容江陵監利豐都四縣置成都王穎國夏水自縣東北逕其故城南

華容城 在府城東漢置華容縣屬南郡今縣治即其地也

監利故城 在上坊東村遺址存焉今曰舊縣走馬岡 在縣北南平王高季興躍馬處

伍員宅 在縣西北宅中有倒插槐員奔吳時所插

薩德彌實宅 在荆臺之側謙齋有瑞竹不根而成蓋插援之竹也

濯纓臺 在縣北屈原濯纓處

荆臺 在縣西三十里土洲之南孔子家語楚靈王遊荆臺司馬子綦諫之即此地

章華臺 又名三休在縣東楚靈王築張文昌

胡曾李羣玉章莊皆有詩

獻珠臺 在縣東

瑤臺 在縣北五十二里

申家臺 在西北境上或云申無字故宅也

申包胥舊臺 在北門外

天井臺 在縣東六十里

松滋縣

樂鄉城 有二一在松滋縣東七十里即吳陸抗與羊祜對壘處一在巴東縣治東後周置縣

郎城 楚昭王時郎公築

諸葛城 漢孔明築

上明城 晉荊州桓冲自襄陽退屯於此因築城焉

上萊縣 在縣北二里

襄河洲 在縣東南九十里

程子山 明道先生講學處松人士遂廣其宇立廟於上以祀

文公山 考亭先生守潭時過松滋講學於此後遂因其舊址建祠額曰文公講學處至今呼為文公山

岑侯廟 光武命岑彭取蜀經此駐師死後邑人立廟祀之每禱輒應後賊盤踞亂兵拆像毀棟狂風暴起飛瓦拔木擊死甚衆

一柱觀 劉宋臨川王義慶在鎮於羅公洲立觀甚大而惟一柱撐之

飛僊觀 相傳仙人所造餘一角未完後旋補旋圮

鷄鳴寺 相傳仙人於平地一夜構造鷄鳴而成

苦竹寺 宋黃山谷於蝦蟆碚遺筆於水至松滋尹甸止草庵中見佛爐中插一筆取視之乃前所遺者遂問老僧於何處得來僧云於井中汲水得之山谷頤然而笑命植地中著土復活笋幹森然乃苦竹也僧見奇異遂募建一寺以苦竹名其竹猗猗遍繞佛殿隙地但取植別處即死緣是併知泉脈通蜀其水之美為第一泉云山谷建寺後復經此前後俱有題味

射梁崖 昭烈入蜀舟行登陸於龍角洲視隔江懸崖挽弓戲射因名

走馬嶺 昭烈入蜀走馬於此

丹池 呂祖煉丹於劍峰山畱有丹池今尚存學碑 張南軒先生至松滋手題學宮碑記併書碑石至今猶存

南極亭 在縣東三十里舊名江亭唐杜甫有詩

枝江縣 白水書院 在縣西三里元拔都抹溫司建今

紀 庚臺 在百里洲北岸六十里世傳庚亮講經處一名講經臺又江陵縣有庚信臺

豐臺 卽風臺

元道愛堂 尹程德建今縣後廳乃其舊基也

陸抗城 在州西五里赤溪其地尚存又宜都

記云今縣治陸抗代遙都督時築故不言州邑但曰陸抗城耳

步關城 步關城 二城俱在下半溪前

陸法和城 在峽口梁命法和築

劉封城 在三遊洞頂

安蜀古城 在峽口陳宣帝征江陵後周軍於

峽口築壘以備陳名安蜀

宜都城 在州南境吳陸遜所築晉置郡唐置縣後廢

楚西塞 卽荊州虎牙山公孫述作浮橋處

楚塞樓 在州治後許自誠詩雄當蜀道三千

里覽壓荆門十二州張權詩巴渝東畔楚塞樓

江轉荆湖第二州查喬詩浪痕自記岑彭壘岡

勢元依陸抗城寇萊公詩道路連巴蜀風烟接

楚丘

爾雅臺 在州治北郭璞註爾雅處後人因祀

璞以下四人於洗墨池

明月臺 與爾雅臺相對亦璞遺蹟今二臺合為一景

至喜堂 在州治東宋刺史朱職方為歐陽公立作記刻石

絳雪堂 在楚塞樓前未知州朱慶基會飲紅

梨花甚開命座客賦詩歐陽修云風輕絳雪

樽前舞日煖繁香雪下開因各其堂曰絳雪

四賢堂 在州治東祀宋歐陽修蘇軾蘇轍黃

庭堅

六一堂 在州治南六一居士歐陽修建有碑

記今移州學

至喜亭 在州南宋守朱慶基建歐陽修記

湖上亭 在峽口杜詩秋日寄鄭監有此亭

來豐亭 在楚塞樓後朱慶基在州多惠政時和年豐建亭以彰其美

墨池書屋 在城東隅晉郭璞宋蘇軾洗筆墨處

孝子甘泉 漢姜詩遺跡

武侯遺筆 書忠孝廉節四字

月峽仙蹤 上書月峽張仙到此

黃金藏 州故有寶軸祕函藏崖寶中宋陳賡

得遺書之一乃古易傳與今文絕異

督郵石 水經注載宜都建平二郡有倚石如

二人撲臂相對傳二郡督郵立界於此宜都即

今彝陵也其二石尚在峽口舟行見之

長陽縣

陸州城 在縣治東隋開皇中置尋廢

康君土舟 在府城西南境寶宇記彝水自施

州開鑿界流入西巴蠻有巴樊譚相鄭五姓未

有君長各乘土舟約浮者奉以為君惟巴務相

獨浮因共立之是為康君務相乃乘土舟從彝

水下及彝城因立城其旁而屋之今水名清江

方輿彙編職方典第一千一百九十六卷荊州府部

第一五五冊 之〇二葉

第一五五冊 之〇二葉

第一五五冊 之〇二葉

在長陽縣

藏書洞 宋郭雍藏書於此

聚雲洞 三際和尚曾於此飛昇

仙人室 在龍角山東北室可容數百人相傳昔有仙人憩此村民因採蜜見之俄頃遂失所在

宜都縣

彝道城 漢置縣屬南宜都郡隋屬峽州唐廢

鄆道元謂宜都郡治在彝道縣東四百步吳丞相陸遜所築宜都記云按陸遜所築爲宜都故城則彝道又自爲一城矣

鼓城 在虎腦背濱江相傳張翼德舊蹟又傳

營寺後有鼓臺傳爲陸遜擊賊軍於河南岸築臺於此播鼓

江關 集覽云荆門與虎牙二山之間名曰江關

穿孔石 在縣西南十五里有巖橫互平行可通輿馬其下如屋可避暑

仙女洞 在石羊山下俗傳鄉民祝氏一日見九仙女從天而降遊於洞內縣令陶師文題曰

仙娥方洞

龍窩 在縣東十五里大江右岸其深莫測相傳曾有龍潛其中故名爲宜都一景

湖里淵 水經注宜都縣北有湖里淵淵上橘柚蔽天桑麻閭日西眺假山諸峯層巒疊秀青翠相臨時有丹霞白雲遊曳其上

仙井 在宋山上泓深清澈宋時有宋氏女梳洗於其旁端坐而化時人以爲登仙故名遇旱禱輒應

滾鐘坡 在縣東十五里相傳金鐘寺忽一日寺鐘滾出挽拽不勝經此坡入江下流而去不知所止至今有蹟

仙人橋 在十二碛絕頂有石橫跨兩壁如橋梁然疑出神工鬼斧又有石低垂長約丈餘如象鼻

北山書院 在白羊元書院山長文章讀書處

吳相臺 在縣南三里吳赤烏七年以陸遜爲丞相屯兵拒蜀因建此臺

將軍臺 在縣北五里沙窩村方圓十餘丈亦陸遜所建

統亭 按統亭即興善坊俗稱虎腦背

合江亭 在縣北濱江元大德四年譚文德登覽江表二水合流因建此亭歲久圯廢嘉靖間知縣陶師文重建

止渴亭 在邑南十五里有嶺頗高石谷間清泉流出味甘昔人於岩畔鑿竅盛水以便行人今亭廢

望堂 鄆道元言彝道城東北有望堂地特峻下臨清江亦遊矚之名處也

一覽樓 在縣廨後元大德四年譚文德建後

射堂龜礎 述異記宜都七里溪有吳王夫差射堂柱礎背如伏龜按七里溪不知何在且夫差射堂亦不得在宜都姑存之以備參考

楚宮舊蹟 異物志記宜都彝道縣有楚宮舊蹟在焉宜都一記曰楚宮今無考按唐人陳伯玉憶昔楚襄王朝雲無處所杜少陵云最是楚宮俱泯滅舟人指點至今疑則宜都楚宮爲襄王之宮矣但伯玉少陵所味在今峽中異物志言在彝道縣則今清江之上也未可知孰是近有人於宋山田間耕見六方石碌一枚材既細潤制復工巧豈即楚宮舊物耶然不可知矣

晴雪山帶 在縣西每天霧有嵐氣若匹練橫帶其上唐韓君平詩風吹山帶遙知雨即指此晚吹江帆 在縣東北大江中舟入三巴者風裏張帆迅如奔馬

碧水迴瀾 在縣西每春漲水色紺碧凝流一里灌入龍脉溪濛濛而出

蒼樹積雪 在縣西鯉魚山諸峯上隆冬積雪至春仲猶未盡消遠望渾如殘粉

平湖牧笛 在縣西有西坪俗呼西湖

遠浦漁燈 在縣北洲渚多泊漁舟至晚隔岸漁燈乍明乍滅水鄉佳境也

斷岸垂虹 在西門外有太平三義橋二橋橫跨斷岸如垂虹然

懸岩飛燕 在縣西半里清江右岸皆絕壁有岩特出江清名燕子岩元人司馬頭陀留記云燕飛龍走居民富清江嘴長狀元出

銀屏洗雨 在縣南十里土地嶺橫嶺於前如屏然雨後麗色可觀

玉鏡涵天 在縣後大江水漲時團環如鏡天

此為試讀，需要完整PDF請訪問：www.cntongbook.com

光雲影畫徘徊於中

遠安縣

舊縣 在東莊坪離新城十里廟祠公署民舍盡燬

古舊縣 在縣治北二十五里亭子山下今城隍猶存民舍僅存什一縣地分給居民辦納學租

南襄城 在縣治九十里漢將軍關羽屯兵之地去南襄堡半里許置預備倉於內今廢

臨沮廢城 漢邑名在南漳縣界

高安故城 晉邑名在亭子山高處後周遷於山下以其近橋而遠置之故名遠安

石馬槽 在縣東三十里漢將軍關羽屯兵於此擊為槽故名

大漢口 小漢口 在縣北三十里高岩絕壁下有小逕通荊州相傳雲長屯兵於此以拒曹操

白馬祠 在古舊縣一里白馬山下俗傳昔有白馬遇夜竊食田間禾苗人莫能禁久之或見馬往西山因立廟祀之自是性不復作

賈尚書廢宅 在縣境內

歸州

丹陽城 在州東七里北枕大江即屈楚王城也夏啓封孟涂於丹陽城元和志周成王封熊繹於荊即丹陽地即此

夔子城 在州東二十里春秋夔子之國水經江水東逕夔城南注云熊摯始治巫城後移此

城宋王十朋詩身乘華轡思熊繹詞誦離騷甲

屈原城邑舊為夔子國人民多是楚王孫

高陽城 在州境舊與山縣西楚自以為高陽之裔故有此名

秭歸城 凡數遷今在江之東岸城背山面江水劃兩岸而流

劉備城 在州後漢昭烈征吳連營七百里至秭歸此城皆當時所築云

昭君村 在州東北四十里昭君名嬪此即其住處

三閭鄉 在州東八十里

屈原沱 在州東五里

夔沱 周成王封熊繹於此地即夔子國

羅沱 去州六十里按歐陽公視譜云大沱石斑斑有文其色青紫可作硯亦頗發墨

響鼓沱 近屈原宅澗水與石相激其聲如鼓

女嬰砧 在三閭鄉

風洞 在州西六十里深崖懸壁相傳四時有風三洞相連

火洞 熱氣如焚草木不生

冰洞 夏月有冰土人往取之不言則見

水洞 在州北七十里水從洞出其內深遠土人避兵於此

洗面井 昭君曾於此洗面

楚王井 在舊州內山巔楚襄王造

清林井 在州南九十里舊有鹹水相傳前代煎鹽國妃病目照之今水猶鹹常有清斑鳥飛來飲之

玉米田 在三閭鄉產米白如玉

插窰 在江之左岸壁立數百丈飛鳥所不能棲中有一火爐插在崖間望見可長數尺父老傳言昔洪水時行者泊舟崖側以餘爐插之崖側至今猶存故相承謂之插窰

米倉口 在江之濱兵書峽內夏水漲則無積

水落時其中必聚有沙土人視之以占歲之豐歉沙盈則豐沙少則半收若無其年必歉因名米倉口

洗馬池 在舊州得勝門外一里相傳楚襄王

洗馬之所

烏龍池 在州南五十里相傳一日雲雨大作見龍騰空而去

唐王殿 在州西六十里明萬曆間土人白福耕地得金盞金甲金人金豆箭鏃之類

對馬場 與唐王殿相對咫尺皆昔之戰場也

屈原宅 在州東北六十里舊有原姊女嬃廟有擣衣石尚存唐杜甫詩若道士無英俊才何得此有屈原宅

宋玉宅 在州舊治東五里今有舊蹟唐杜甫有詩

望高樓 在州治南

清風閣 宋晏殊類要在州戟門東南五里

錢棺 在州白狗峽東其地亦名錢棺峽唐將軍王果為雅州刺史舟經三峽望見懸崖間有物似棺令人視之果棺也骸骨存焉旁有石志云三百年後水漂我將及長江垂欲墮欲墮不墮遇王果果視之怡然因為殮祭而去

烏牛石 在州前江之中與白馬石相對有記云白馬對烏牛江水兩邊流有人識得透富過十三州

白馬石 與烏牛石相對

牛肝馬肺 在州東四十里大江峭壁間懸石如肝肺

鎖江鐵練 在兵書峽上有鐵索鎖江隱而不見見則不祥

楚臺暮雨 相傳每夜暮則有微雨濛濛

牛角朝雲 此山有雲則雨

雞籠返照 日落後獨此山有日返照

同氣連枝 相傳有一節婦遺其姓名與夫偕行遇賊殺夫欲奪之婦誘賊埋夫以賊刀自殺賊義而埋之兩塚生兩樹根異而枝連至今傳為同氣連枝

野渡橫舟 水落時不用槳楫舟橫自渡月下波濤 在迷月崖下每月照臨所不及者惟八月中秋水底有月無風鼓浪有聲

九龍戲珠 在州城外有一鳥石居江之中其狀如珠崖有九石條修長若龍形皆拱向焉故名之

玉虛三洞 在香港二里內一層有一大洞名玉虛上一層有二小洞名青蓮水簾常有行客遊觀於此

興山縣 孔子樓 在縣東七十里相傳宣聖曾至此兩山排闥一水紆迴後枕高岡前俯平阜後人建樓於此山之麓野史因宣聖遊此其地無毒蛇昭君臺 在縣山南之陽原建有昭君祠今廢三東 舊傳之由失考

六陽 卽建陽南陽夏陽中陽紫陽當陽巴東縣

信陵城 在縣治西十五里梁為樂鄉縣置信陵郡於此

樂鄉城 羅平城 雙城

新化城 土城

東路亭 在三岳坡萬曆三十一年建

西路亭 在東漢渡口

相公泉亭 在壽寧寺東泉從石隙中出味極甘冽四時不竭居民賴之呼為凉水井正德間知縣盛泉建凉水井亭後廢萬曆三十三年易今名建有亭

秋風亭 在舊縣治左寇萊公建蘇轍詩人知公惠在巴東不識三朝社稷功平日孤舟今何處江亭依舊傍秋風

白雲泉 在縣舊治左寇萊公建後廢知縣盛泉建今治壽寧寺前近廢

清風亭 在縣治後山

鹿阜亭 在學宮之後寇公為令時常有白鹿鳴於此

白鹿臺 在寇公祠左寇公為令時常遊壽寧寺有白鹿繞臺而鳴

飛鳳臺 在治南二十里

萊公柏 在縣庭前萊公為令時手植柏二株人以比甘棠蘇軾詩萊公昔未遇寂寞在巴東聞道山中樹猶餘手植松

施州衛

廢亭州 在衛城東一百七十里後周置以都亭山為名隋併為庸州徙治鹽水縣

舊施州 在衛城東十里卽清江廢縣城基碑碣尚存

清江廢縣 在衛城東十里後周於此置清江郡隋初郡廢置清江縣後廢

鹽水廢縣 在衛城東四十里後周置縣并置資田郡隋初郡廢大業初以縣屬清江郡

開彝廢縣 距衛城六十里後周置飛鳥縣隋初改曰開彝唐廢

恨山廢縣 在衛城西一百八十里

施王屯 在衛城南二十五里廣興記州有施王餘址故以為名

仙人室 在衛城北七十里

白坡書屋 在衛城南二十里鄧梗建

客星山房 在衛城西童起讀書處

玉印山房 在虎口岡張問禮有虎溪居士集半逸亭 在象耳山後更名向日

釣魚臺 在衛城東南

觀瀾臺 在衛城南古鑄有觀瀾二字

荊州衛

蓮花池 在右所屯內接潛水西下先時吏部

李士康產於此

七星臺 在汪家湖水中巒若連珠

刻木巖 在枝江所屯內相傳古孝子丁蘭刻

木居此

荊州右衛

馬跑泉 在八嶺山相傳以爲關壯繆遺蹟

馬頭 水經注昔陸抗屯此與羊祜相對

陵墓附

本府 江陵縣附郭

楚莊王墓 在縣西門外龍山陪葬者十冢皆

成行列

康王墓 在郢城西

平王墓 在縣城東縣志在城西莊廖台湖

昭王墓 在縣西北當陽界

懷王墓 在縣境上

樊妃墓 在郢城西莊王夫人樊姬也

孫叔敖墓 在江陵故城中白土里去郢城東

二十里叔敖嘗曰葬我於江陵後當爲萬戶邑

陶朱公墓 在城西北

春申君墓 在縣東北七十里有黃歇冢

梁元帝陵 在縣城津陽門外

宣帝陵 在城北紀山

明帝陵 亦在紀山

忠烈世子墓 元帝長子

愍懷王太子墓 元帝第四子

徐妃墓 元帝夫人也其墓俱在城北紀山

顏之推父母墓 在城東草市

趙台卿墓 在郢城中

王子文墓 劉靈預墓

劉妙士墓 劉虬之孫以上諸墓俱在縣境內

劉子和墓 在縣東門外

高氏三王墓 在城西龍山鄉南平高氏武信

王季與湘獻王從誨正懿王寶融

嚴武墓 相傳在縣南多福寺旁

段文昌墓 文昌鎮荆卒於官故墓在荊州

唐質肅公介墓 在城西龍山

畢狀元漸墓 在城東百二十里赤岸宋紹聖

中知南郡

湘獻王墓 在太暉觀側

遼簡肅靖惠恭莊六王墓 俱在城西北八嶺

山

長陽昭和王墓 松滋安惠王墓

益陽安僖王墓 湘陰王墓

衡陽莊和王墓 應山悼恭王墓

宜城康簡王墓 枝江莊惠王墓

沅陵恭憲王墓 麻陽悼僖王墓

衡山恭惠王墓 蘄水靖和王墓

蕭陵悼靖王墓 長垣恭順王墓

光澤榮端王墓 廣元康僖王墓

以上諸王墓俱在城西北八嶺山

劉節愍公僞墓 在城西龍山門外十里

錢光祿鎔墓 在馬山追贈光祿號錢光祿墓

張太傅勇墓 在城東南

張文忠居正墓 在城東三里沙橋東南

劉懋墓 在城東四十里安興港

劉悅墓 在城東北六十里泥港

張尚書純墓 在城西南龍洲江岸

劉文恪楚先墓 在城北七十里後港賜諡葬

朱光祚墓 在城外十五里龍陂橋

胡克敬墓 在城東六十里化港莊地名牛珏

林

公安縣

謝晦墓 在黃山

段洪古墓 在黃山柳宗元志洪古安鄉人剛

方寡合不事生產人或交以非義輒面叱之故

終其身無所遇宗元稱曰畏友

明鄒文盛墓 在縣南二十里

袁宏道墓 在縣西三十里冢子岡

石首縣

晉謝安墓 在喪停港時安爲荊州刺史歿喪

回至此一夕雷雨大作其喪自葬後人因以此

名港

梁孝宣三王墓 在縣西高陵岡有疑塚七十

二

唐尚書劉虔墓 在縣東山南畔石柱尙存

宋謝海墓 在縣黃田湖南畔海宋將

學士趙觀墓 在縣白泥湖東畔鄉人目爲花

墳

學士趙嘉猷墓 在縣留田岡

刺史鄭翼墓 在麓湖山西峰西畔

刺史成懷墓 在縣沙湖成家橋東畔

元蕭明墓 在縣治楚望山東畔

李世英墓 在楚望山下李家圻荆湖北道廉

訪使

李廷瑞墓 在龍蓋山下翰林學士

明高士鄭經墓 在麓湖山龜峯首

勅葬楊文定公溥墓 在縣西二十里高陵岡

東畔

勅葬袁榮襄公宗舉墓 在縣東白泥湖

勅葬張文簡公璧祖墓 在縣西文仕岡

勅葬張文簡公璧墓 在縣大南門外

喻參政墓 在縣東洛馬灣

教諭傅鼎孫墓 在黃田湖梓木林

按察傅汝霖墓 在武侯轄三角坑

傅僉憲母楊氏宜人墓 大理寺卿傅啓讓墓

勅封僉憲傅啓讓妻李氏宜人墓 俱在縣七

峯山

鄭允齊墓 在麓湖稱桿山西北

翰林院檢討鄭宗載墓 在麓湖山象鼻嘴

貴州參政鄭宗古墓 在麓湖山陳林園

劉永清墓 在火延山西畔

本縣知縣趙必弘墓 在趙家山

監利縣

伍子胥墓 在縣七十里梅花坑或云乃真父

兄之墓也

交趾太守胡寵墓 漢太傅廣之父也廣身陪

陵而此墓側有廣碑故世謂廣冢者非

范西戎墓 王隱晉書地道記陶朱冢在華容

縣樹碑云是越之范蠡盛弘之荊州記劉惔之

記皆言在縣之西南郭仲產云在華容縣東十

里其碑題曰故西戎令范公之墓抑蠡是其先

也碑末嘉二年立則郭說爲確無陶朱冢也

元郭太師墓 在縣城西江岸逸其名

明鄭忠墓 在縣西北七里

趙緯墓 在保合門賜諡祭

都御史贈兵部侍郎謝公璉墓 在縣北地名

隔斗溝今名忠孝坊崇禎間死節賜諡葬

松滋縣

明伍文定公墓 在縣南臺山賜諡葬

張僖墓 在縣仁威觀右

毛道成墓 在縣東三里

枝江縣

楚穆王墓 在縣南二十里長樂鄉

昭王墓 在縣西北當陽兩境間

懷王墓 在舊縣內按唐張說詩王客死曉關

返葬枝江

宋姚肩墓 在縣上百里洲肩枝江令也

史子輦墓 在縣石龍口輦朝散大夫

覃逸墓 在縣西南十五里遠乃荆門州衙千

戶

彝陵州

明劉尚書一儒墓 在州東山

長陽縣

唐曹王阜墓 在縣西南六十里阜唐宗室爲

江陵節度使

宜都縣

三國吳陸遜墓 在縣東南十里遜宜都太守

破蜀卒葬此相傳陸遜卒建三十六疑塚以防

侵害按日赤鳥八年丞相遜卒子抗送葬東

侵害一統志載陸遜陸抗等墓俱在宜都松

江府城西則遜實未葬茲三十六塚間也

都督周公瑾墓 相傳在雲池今失其處

宋張商英墓 在縣東十里白洋驛後商英新

津人以忤蔡京謫歸州徙峽州卒葬於此

明郭師顏墓 在縣東清江北岸三里顏禮部

侍郎

太常寺卿余謙墓 在縣東三十里清泥灣

唐莊墓 在縣白洋驛大學士張居正之祖

吳寶墓 在南門外寶揚州人任本縣知縣卒

葬於此子孫遂家焉

王姬墓 在官莊鋪土地嶺之陰乃遼國玉山

郡主吳邦綏尚之卒葬於此遼主親誌其墓

哲婦塚 在縣鄉家莊

歸州陵墓無考

興山縣

張果老墓 相傳在舊縣西北

向王墓

賈尚書墓 在縣西今不知所存

宋夏谷珍墓 在縣西三十五里珍進士第一

巴東縣陵墓無考

施州衛

春秋巴蔓子墓 在衛北都亭山巴莊蔓子爲

巴國將軍

右蠻王墓 在衛南一百二十里

羊角哀墓 在荊門州西南九十里左伯桃墓

亦在焉昔羊角哀與伯桃爲友聞楚平王賢而

歸之道遇雪度不能俱生乃併衣與角哀伯桃

入樹死角哀至楚爲上大夫王以伯桃賢備禮

葬之角哀不忍已榮自盡因耐葬

漢關羽墓 在當陽縣西五里羽爲蜀漢將呂

蒙襲殺之葬於此地

胡安國墓 在當陽縣北十五里其父淵墓亦

在縣漳濱鄉

按荊門當陽舊隸荊州故羊角哀墓羽胡安國墓始煇一統志編入

屬荆

欽定古今圖書集成方輿彙編職方典

第一千一百九十七卷目錄

荆州府部藝文一

荆州牧箴

登樓賦

荆州文學記

黃陵廟記

讓右將軍荆州刺史表

西陵峽記

荆州謝上表

謝荆南節度使表

與韓荆州書

枝江縣南亭記

三遊洞序

論江陵耆老書

舊縣治至喜堂記

峽州至喜亭記

黃陵夢跋

荆南承天僧伽妙應塔記

曲江樓記

松滋儒學記

荆南承天禪院叢蘭精舍記

石首重開古穴記

三遊洞記

石首城內山園記

青溪記

青溪秀壁山記

漢揚雄

王粲

前人

諸葛亮

朱劉休仁

袁崧

唐張說

顏真卿

李白

皇甫湜

白居易

劉蛻

朱歐陽修

前人

蘇軾

黃庭堅

朱熹

胡瑗

魏了翁

元林元

明林俊

袁中道

前人

區懷瑞

職方典第一千一百九十七卷

荆州府部藝文一

荆州牧箴

漢揚雄

沓沓巫山在荆之陽江漢朝宗其流湯湯夏君遭鴻
荆衡是調雲夢塗泥包匭菁茅金玉砥礪象齒元龜
貢篚百物世世以饒戰戰慄慄至桀荒淫曰我在帝
位若天有日不順庶國孰敢予奪亦有成湯果棄其
鉞放之南巢號之以桀南巢茫茫包楚與荆風慄以
悍氣銳以剛有道後服無道先強世雖安平無敢逸
豫牧臣司荆敢告執御

登樓賦

王粲

登茲樓以四望兮聊暇日以銷憂覽斯宇之所處兮
實顯敞而寡備挾清漳之通浦兮倚曲沮之長洲背
墳衍之廣陸兮臨阜隰之沃流北彌陶牧西接昭丘
華實蔽野黍稷盈疇雖信美而非吾土兮會何足以
少留遭紛濁而遷逝兮漫踰紀以迄今情眷眷而懷
歸兮執憂思之可任憑軒檻以遙望兮向北風而開
襟平原遠而極目兮蔽荆山之高岑路逶迤而修迥
兮川既濶而濟深悲舊鄉之壅隔兮涕橫墜而弗禁
昔尼父之在陳兮有歸歎之歎音鍾儀幽而楚奏兮
莊舄顯而越吟人情同於懷土兮豈窮達而異心惟
日月之逾邁兮俟河清其未極冀王道之一平兮假
高衢而騁力懼匏瓜之徒懸兮畏井渫之莫食步樓
遲以徙倚兮白日忽其將匿風蕭瑟而並興兮天慘
慘而無色獸狂顧以求羣兮鳥相鳴而舉翼原野間
其無人兮征夫行而未息心懷愴以感發兮意切怛
而惛惛側循階除而降兮氣交憤於胃臆夜參半而

不寐兮悵盤桓以反側

荆州文學記

前人

有漢荆州牧劉君稽古若時將紹厥績乃曰先王之
爲世也則象天地軌儀憲極設教導化叙經志業用
建雍泮焉立師保焉爲禮樂以復其性表陳載籍
以持其德上知所以臨下下知所以事上官不失守
民聽無悖然後太階平焉夫文學也者人倫之守大
教之本也乃命伍葉從事宋衷所建文學延朋徒焉
宣德音以贊之降嘉禮以勸之五載之間道化大行
者德故老基母閭等負書荷器自遠而至者二百有
餘人於是童幼猛進武人革面總角佩觸委介免胄
比肩繼踵川逝泉湧壺壺如也號號如也遂訓六經
講禮物諧八音協律呂修紀曆理刑罰六路咸秩百
氏備矣天降純嘏有所底授臻於我君受命既茂南
牧是建荆衡作守時邁淳德宣其不繇厥繇伊何四
國交阻乃赫斯威爰整其旅度夷不若屢戢寇侮誕
啓洪軌敦崇聖緒典墳既章禮樂咸舉濟濟紳士盛
茲階宇祁祁髦俊亦集爰處和化普暢休徵時叙品
物宣百百穀蕃蕪勳格皇穹聲被四宇

黃陵廟記 諸葛亮

僕躬耕南陽之畝遂蒙劉氏顧草廬勢不可却計事
善之於是情好日密相拉總師趨蜀道履黃牛因觀
江山之勝亂石排空驚濤拍岸鉅石於江中崔嵬
噴吼列作三峯平治洊水順邇其道嗚呼非神扶助
於禹人力奚能致此耶僕縱步環覽乃見江左大山
壁立林麓峯巒如畫熟視於大江重複石壁間有神
像影現焉鬚髮鬚眉冠裳宛然如彩畫者前豎一旌

旗右駐一黃領猶有董工開道之勢古傳所載黃龍
助禹開江治水九載功成信不誣也惜乎廟貌廢壞
使人太息神有補助禹開江不事斧鑿順濟舟航當
廟食茲土僕復而興之再建其廟貌目之曰黃陵廟
以顯神功

諫右將軍荊州刺史表

宋劉休仁

茂寵過臨煇奪彝典巡恩鏡節攬情震慮臣聞銓秩
詔序匪賢莫能平其職端維裂陝非功無或濫其選
所以輪輅國典結結民紐五威咸平四播或順者也
臣踐行迷方試業敝緒徒以綴采宗承渥帝席職
主載筆亟荷出內至乃曳組河縣蔑馴羽之化鳴環
京穀謝擇麟之功聲績兩無風化雙缺而龜紐未剔
聖書頻降復改開湘區分瑞衡服竟無賈琮交部之
廉終乏郭伋并壤之信固以維咨民明淑隘身諷不
悟皇靈再輝河海重渥遂踰恆采妄貴異等荆門務
要方城任積水交沅澧山通岷峨襟帶百縣縈抱七
州上德懋勳堪居斯地寧臣謬固所宜膺荷是以雉
薄魂色驚迫心影謹刷庸直露弱志伏願陛下停旒
弛璫暫煥瑱典則鑄才式弘練物惟遠王度既清蒙
識以泰不勝慙慙屏營之情

西陵峽記

袁崧

崧嘗聞峽中水疾書記及古傳悉以臨懼相戒曾無
稱有山水之美也及予來踐躋此意既成始信耳聞
不如目見矣其巖壑秀峯奇構異形固難以辭藻林
木蕭森離離蔚蔚乃在震氣之表仰俯俯察彌習彌
佳留連信宿不覺忘返身所履歷未嘗有也既自欣
得奇觀山水有靈亦稱知己謹記之於石

荆南謝上表

唐張說

伏奉二月二十五日制書除臣荊州大都督府長史
拜命荒服浮舟瀟湘以今月十七日到州上訖山列
楚望水橫南紀德非羊祜迹謝未均何以鎮靜流亡
攘除猛競臣說中謝臣宿望宸眷累荷榮獎福過生
災至剛多缺一辭庭闕已涉五年不有自白之書竟
無因人之請天光燭照雲霧頓披蒼鱗更躍銀闕仍
藉揣分瞻恩何階及此愧乏才能不足宣揚皇風敢
竭心力少冀上酬元造

謝荆南節度使表

顏真卿

臣真卿言伏奉二十七日恩詔除臣江陵尹兼御史
大夫充荆南節度處置使寵命自天戰荷無地臣申
謝竊以荆南巨鎮江漢上游右控巴蜀左聯吳越南
通五嶺北走上都寇賊雖平襟帶猶切雖叔子仁德
元凱智囊居之猶或病諸過此豈宜濫據祗承睿顧
伏深慚惕無任感戴屏營之至

與韓荆州書

李白

白聞天下談士相聚而言曰生不用封萬戶侯但願
一識韓荆州何今人之景慕一至於此豈不以周公
之風躬吐握之事使海內豪傑奔走而歸之一登龍
門則聲價十倍所以龍蟠鳳逸之士皆欲收名定價
於君侯君侯不以富貴而驕之寒賤而忽之則三千
之中有毛遂使白得顯脫而出即其人焉白隴西布
衣流落楚漢十五好劍術獨干諸侯三十成文章歷
抵卿相雖長不滿七尺而心雄萬夫皆王公大人許
與義氣此疇曩心跡安敢不盡於君侯君侯制作伴
神明德行動天地筆參造化學究天人幸願開張心

顏不以長揖見拒必若接之以高宴繼之以清談日
試萬言倚馬可待今天下以君侯為文章之司命人
物之權衡一經品題便作佳士而今君侯何惜階前
盈尺之地不使白揚眉吐氣激昂青雲耶昔王子師
為豫州未下車即辟荀慈明既下車又辟孔文舉山
濤作冀州甄拔三十餘人或為侍中尚書先代所美
而君侯亦一薦嚴協律入為祕書郎中問崔宗之房
習祖黎斯許堂之徒或以才名見知或以清白見賞
白每觀其銜恩撫躬忠義奮發白以此感激知君侯
推赤心於諸賢之腹中所以不歸他人而願委身國
士倘急難有用敢効微軀且人非堯舜誰能盡善白
謨猷籌畫安能自矜至於制作積成卷軸則欲塵穢
視聽恐難盡小技不合大人若賜親覽請給紙筆
兼之書人然後退掃開軒繕寫呈上庶青萍結綠長
價於薛卞之門幸推下流大開獎飾惟君侯國之

枝江縣南亭記

皇甫湜

京兆韋庶為殿中侍御史河南府司錄以直裁聽奉
細人語搆之責掠南康移治枝江百為得宜一月遂
清乃新南亭以適曠懷亭俯湖水枕大驛路地形高
低四望空平青莎白沙控柞綠岸濯菱圓葭誕誕朱
華接翠綠繁葩春燭決湖穿竹渠鳴郁郁潛魚歷
歷產鏡嬉嬉淨鳥白赤洗翅窺窺霞霞綬綬且夕新
鮮冷淚喧喧柳情綿綿令君騁望迢迢湖上令君宴
喜絃歌未已其察其民日致欣遊成羣使纓纓戀停
車止征實為官業而費家貲不妨適我而能惠衆嗚
呼是乃仁術也豈直曰觀而已乎吾知韋君若是也
多惜以尺刀效小割異日賦政千里總戎疆場吾知

其辦終也亦若是而已矣乃爲作記刻於茲石以圖永久

三遊洞序

白居易

平淮西之明年冬予自江州司馬徙忠州刺史元微之自通州司馬授虢州長史明年春各祇命之郡與知退偕行三月十日參會於華嚴寺日微之返棹送予至下牢戍又翌日將別未忍引舟上下者久之酒酣聞石間深聲因捨棹進策步入缺岸初見石如疊如削其怪者如引臂如垂幢大見泉如瀉如灑其奇者如懸練如不絕綫遂相維舟崖下率僕夫吏無刈薪梯危絕滑休而復上者凡四焉仰盼俯察絕無人跡水石相薄磷磷鑿鑿跳珠濺玉驚動耳目自未及戍愛不能去俄而峽山昏黑雲破月出光氣含吐互相明滅晶瑩玲瓏象生其中雖有敏口不能名狀既而通夕不寐迨旦將去憐惜別且嘆且言知退曰斯境勝絕天地間其有幾乎如之何俯通津綿歲代寂寥委置罕有到者予曰借此喻彼可爲長太息者豈獨是哉微之曰誠哉是言矧吾人難相逢斯境不易得今皆偶於是得無述乎請各賦古調詩二十韻書於石壁乃命余序而紀之又以吾三人始遊故因爲三遊洞洞在峽州上二十里北峯下兩岸相湊間欲將來好事者知故備書其事

論江陵耆老書

劉說

太原王生常遺耆老書以江陵故楚也子胥親逐其君臣平其墳墓楚人之所宜怨也而江陵反爲之廟世譽其隤謂耆老而忘其君父也吾以爲不然楚人之性慄悍世能復其仇讎其後自懷王入武關楚人

怨秦不忘干戈况其人之性能忘胥之能破其國家而事之乎且今江陵之人牽牛羊而視其廟者將祈年穀而獲凶荒禱疾病而得死亡者乎如厚其餼而虛其報則江陵知胥之不可祠而不祝矣若果祈年穀而得豐穰禱疾病而獲康強有其餼而厚其報則破人之國而居其土辱人之君而受其饗遇一食而自忘楚人之殺其父兄則胥自爲無勇也何獨江陵之人而忘習讎乎吾以爲其廟申包胥之廟也包胥有復楚之功年浸遠楚人以子胥嘗封之於申故不謂包胥耳不然則子胥何爲譽人之食而江陵何爲事讎人之神乎耆老得書速易其板曰申胥之廟無使人神皆愧耳

舊縣治至喜堂記

宋歐陽修

峽州治彝陵地濱大江雖有椒漆紙以通商賈而民俗儉陋常自足無所仰於四方販夫所售不過鮓魚腐鮑民所嗜而已富商大賈皆無爲而至地僻而民貧故彝陵爲下縣而峽爲小州州居無郭郭通衢不能容車馬市無百貨之列而鮑魚之肆不可入雖邦君之過市必常下車掩鼻以疾趨而民之列處廩廩壘井無異位一堂之間上父子而下畜豕其覆皆用茅竹故歲常火災而俗信鬼神其相傳曰作瓦屋者不利彝陵者楚之西境昔春秋書荆以外之而詩人亦曰蠻荆豈其陋俗自古然與景祐二年尚書駕部員外郎朱公治是州始樹木增城欄甍南北之街作市區又教民爲瓦屋別竈廩異人畜以變其俗既又命彝陵令劉光裔治其縣起勅書樓飾廳事新吏舍三年夏縣功畢修有罪來守是邦朱公於修有舊且

哀其以罪而來爲治縣舍擇其廳事之東以作斯堂度爲疏潔高明而日居之以休其心堂成又與賓客偕至而樂之夫罪戾之人宜棄惡地處窮儉使其憔悴憂思而知自悔咎今乃賴朱公得善地以偷宴安頓使忘其有罪之憂是皆異其所以來之意然彝陵之僻陸走荆門襄陽至京師二十有八驛水道大江絕淮抵汴東水門五千五百九十里故爲吏者多不欲遠來而居者往往不得代至歲滿或自引去然不知彝陵風俗樸野少盜爭而令之日食有稻與魚又有橘柚茶笋四時之味江山秀美而邑居繕完無不可愛是非惟有罪者之可以忘其憂而凡爲吏者莫不始來而不樂既至而後喜也作至喜堂記藏其壁夫令雖卑而有土與民宜志其風俗變化之善惡使後來者有考焉耳

峽州至喜亭記

前人

蜀於五代爲僭國以險爲虞以富自足舟車之迹不運平上國者五十有九年宋受天命一海內四方次第平太祖改元之三年始平蜀然後蜀之絲象織文之富衣被於天下而貢輸商旅之往來蜀者陸輦秦鳳水道岷江不絕於萬里之外岷江之來合蜀衆水出三峽爲荆江傾折回直悍怒闊激束之爲湍觸之爲漩順流之舟頃刻數百里不及顧視一失毫釐與巖石遇則糜潰漂沒不見蹤跡故凡蜀之可以充內府供京師而修用乎諸州者皆陸出而其美餘不急之物乃下於江若棄之然其爲險且不測如此彝陵爲州當峽口江出峽始漫爲平流故舟人至此者必漚酒再拜相賀以爲更生尚書虞部郎中朱公再治

是州之三月作至喜亭於江津以爲舟者之停留也且志天下之大險至此而始平易以爲行人之喜幸釋陵固爲下州稟與俸皆薄地僻且遠雖有善政不足以爲名譽以資進取未公能不以陋而安之其心又喜夫人之去憂患而就樂易詩所謂豈弟君子者矣自公之來歲數大豐因民之餘然後有作惠於往來以館以勞動不違時而人有賴是皆宜書故凡公之佐吏因相與謀而屬筆於修焉

黃陵夢跋

蘇軾

昔軾嘗聞之歐陽公曰予昔以西京雷守推官爲館閣較勘時同年丁寶元珍適來京師夢與予同沂江入一廟中拜謁堂下予班元珍下既出門見一馬隻耳覺而語予固莫識也已而元珍出峽州判官余亦貶彝陵令一日與元珍同游峽謁黃牛廟入門愕然皆夢中所見予爲縣令固班元珍下出門外鑄石爲馬缺一耳相視大驚乃雷詩廟中蓋私識其事也

荆南承天僧伽妙應塔記

黃庭堅

紹聖二年余以史貶黔出道中江陵寓承天以補紉春服時住持僧智珠方撤舊僧伽浮圖於地瓦木如山而屬余曰成功之後願乞文記之余笑曰作記不難顧成功爲難耳後六年余蒙恩歸則七級浮圖巋然立於雲霄之上矣因問其緣珠曰此皆出於衆力以費萬緡鳩工於丁丑落成於壬午其難者既成功矣其不難者敢乞之余曰諾謹按承天禪院僧伽浮圖作於高氏有荆州時既壞而主者非其人支撐以度歲月有知進者住持一十八年守常而已智珠初問心法於清源奇道者而自閩中來則佐知進主

院事道俗欣皆曰起廢扶傾惟此道人能之於是六年作而新之者過半知進歿衆歸珠而不釋此浮圖遂崇成耳僧伽本起於盱眙於今寶祠遍天下何哉豈釋氏所謂願力普及者乎儒者嘗論一佛寺之費蓋中民萬家之產實生民穀帛之蠹雖余亦謂之然然自余省事以來觀天下財力屈竭之端國家無大軍旅動民丁賦之政則蝗旱水溢或疾疫連數十州此蓋生民之共業盈虛有數非人力所能勝耶然天下之善人少而不善人常多王者之刑賞以治其外佛者之禍福以治其內則於世教豈小補哉而儒者常欲合而軋之是真何理哉因珠乞文紀其化緣故併論其事智珠古田人有智略而無心與人爲涯岸又不爲翕翕熱故久而人益信之買石者郢末年篆額者黃乘作記者黃庭堅立石者馬成

曲江樓記

朱熹

廣漢張侯敬夫守荊州之明年歲豐人和幕府無事顧常病其學門之外即高墻無以宣暢鬱導迎清曠乃直其南鑿門通道以臨白河而取旁道廢門舊額且爲樓觀以表其上一日敬夫與客往而登焉則大江重湖縈紆渺瀰一目千里而西陵諸山空濛曉靄又皆隱現出沒於雲空烟水之外敬夫於是顧而嘆曰此亦曲江公所謂江陵郡南樓者耶昔公去相而守於此其平居暇日登臨賦誄蓋自脩然有出塵之想至於寤寐味嘆則其心未嘗一時不在於朝廷也於戲悲夫敬夫問書其扁曰曲江之樓而書來屬記之余方守南康疾病侵陵求去不獲讀敬夫之書而知茲樓之勝思得一與敬夫相從遊於其上瞻望

江山覽觀勝概按楚漢以來成敗興亡之故而考其所以然者然後舉酒相屬以誅張公之詩而想見其人於千載之上庶有以慰夙心者顧爲千里相遠邈不可得又未嘗不矯首西悲而喟然發嘆也抑嘗思之張公遠矣其一時之事漢唐之治亂所以分者亦何預於後之人然讀其書者未嘗不掩卷太息也是則是非邪正之實乃天理之同然而人心之不可已者故雖其曠百世而相感使人憂悲愉快勃然於其中恍若親見其人而真聞其語者是豈有古今彼此之間而亦就使然哉詩曰天生蒸民有物有則民之秉彝好是懿德登此樓者於此亦可以反求諸身而得之矣余於此樓即未得往寓目焉無以寫其山川風景朝暮四時之變如范公之書岳陽也獨次第敬夫書語而附以余之所感者如此庶後之君子得以觀覽焉

松滋儒學記

胡瑗

致天下之治者在人人材成天下之材者在教化職教化者在師儒弘教化而致之民者在郡邑之任而教化之所本者在學校學校之興莫過於三代而三代之興莫過於周大司徒以六德六行六藝教萬民而實典之糾其有言異者誅行異者禁其所言者皆法言所行者皆德行四海之遠萬民之衆若符節之合影響之隨教化明於上而風俗成於下也故其材之成也大則可以論道經邦小可以作而行事其出也可以長其入也可以弟無他蓋本於學校之教而已矣三代而下言治者稱漢唐然未知先王教化之意而人自爲學漢之士則黨同門如道真唐之文則天

寶之風尚黨大曆之風尚浮貞元之風尚蕩元和之風尚怪則於教化固可知矣國初承五代之亂祖宗留意庠序之事而士猶弊於俗學神考聰明磨智慨然思革其弊於是新太學立三舍訂經義立師儒而天下學者知所從哲宗因之外至郡邑率令立學選貢士諸路使者提其事而督察之由是淫辭息誠行消上下相勉興起於善而大道之文炳然與三代同風矣松滋之爲邑在江陵之西其民淳而易化舊有學舍湫隘尤甚邑大尹臨川鄒君明敏好學有樂英才教育之意詔下興學竭力營之殿宇弘壯爲二堂曰篤講曰議道堂分四齋爲屋三十餘楹而又面學壑池構亭其中前爲廳以講射名其亭曰觀德凡俎豆之事在古制之所有者無一不具絃誦之聲諸生樂然從之愚將見人材之成以副國家之用者繼踵而出矣諸生求記遂以爲書

荆南承天禪院叢蘭精舍記 魏了翁

臨川羅季能以荆湖制司幕府寓治江陵即承天院故基爲叢蘭精舍而移書渠陽曰子爲我書之且承天院以黃太師重固也而叢蘭之名何居乃復以請季能曰是院也世傳爲晉侍中羅君章之故居也君章致仕還荆而蘭叢生於階庭人謂德行之感子爲我重識所以予觀世之論君章者不過謂其感異鳥之夢漢思日新其譽魯直亦曰詞人之巨擘耳噫張華蕭繹嘗博物矣未異江總嘗屬文矣近世如丁夏呂王亦能操觚弄翰矣而他無足云祇足爲國家妖孽則君子奚貴焉君章之事於史罕見其僅見者湘中之寶荆楚之林江左之秀耳然觀其從庾元規友

謝仁祖則猶未免爲曠逸之士惟是桓溫氣焰翕赫公卿大臣皆卑躬屈膝惟恐後謝安石之賢也而不能免君章獨以居近聲塵結茅於城西之小洲布衣蔬食居之晏然也他日溫大會寮吏君章雍容末座若有氣吞姦豪之勇以其世論之不爲賢乎黃魯直所遭則又有人所甚難者章惇爲政蔡卞諸人首治吏事魯直坐謫黔戌凡八年僅以徽宗初政起之謫籍道出江陵爲承天院作浮圖記而轉運判官陳舉承望趨挺之風指又摘其蝗旱疾疫等語以爲幸災謗國坐徙宜陽嗚呼彼所謂卑躬屈膝所謂望承風指洋洋然自謂得矣朝榮暮槁糞壤同腐而矯矯獨立者垂芳簡策其爲蘭鞠不已多乎况君章未陽人也江陵特仕國耳且洛宮故事謂其厭喧嗜寂徙居城西三里而盛弘之荊州記乃謂距城西者百餘里瞰州爲樓因名羅公洲按此二說則前後凡三遷今承天院故址或始居或改卜亦未可知也而劉明之假其宅若見其像貌杜子美貽詩厭弟亦惓惓於短牆喬木之間以是知賢者所寓雖名存實廢而隱乎斯人之心者常與所寓俱存此天理之良感閱千載如一日也承天塔記豫章集以其因是被禍不忍錄而七十三年後勒石於故處又以知士大夫正心修身當以千載自期苟有所好樂恐懼而不得其正祇以自過其躬耳矣季能名思文恭公之子也家有蘭鞠而初芳擷華於簡策尙友古人此其好學之誠未有窮也予故謂二賢不專以文藝稱亦冀季能光大之必至於師友古之聖賢明善誠身而後爲學焉

石首重開古穴記

元林元

皇帝即位之初詔開江陵路三縣古六穴口從本路請府邑官吏即日奉行之其應役者不集而至扶老攜幼遠近聚觀歡呼舞拜祝讀皇元萬年無疆之休猗與盛哉江陵荆一大都西巫峽東洞庭北漢河南鼎澧由江陵而下皆水鄉按郡國古有九穴十三口沿江之南北以導荆水之流夏秋泛溢分殺水怒民賴以安宋以江南之力抗中原之師荆湖之費日廣兵食常苦不足於是具有典事功者出而畫荆南留屯之策保民田而入官築江隄以防水塞南北之古穴陰寓固圉之術射小利害大謀急近功遺遠患策何善邪奮鋤既興工以萬計屯田之夫不足供中役則取之民二邑之民不足則取之他邑甚而他郡皆徵焉集夫之名歲以冬十月迄春三月築隄以夏五月迄秋八月防水終歲動輒良農廢業歸附以來其取幾何縱令捍禦有備無虞官入之數償民出之什一堂堂大朝梯航效貢豈與此水爭咫尺之利哉今之故址或摧而江或決而淵或潛而湖七十年間土木之工皆生民之膏血始作俑者其白丹之徒歟薩德彌實以忠翊授石首縣大德七年五月視事六月隄決縣東之陳翁港本官急築內之開口再築黃金白楊之兩堤鄰境岌岌又增築內境之新興堤方完公安竹林港大潰新興無恙保全數村自是本官究心於隄必欲脫斯民於魚鼈之區未幾委運淮餉不果明年上司合數郡大興工役不再歲陳翁再決被及數邑民墮流亡官費賑給皆隄禍之九年八月本官偕尹王承事集邑耆儒鄉老里社經事之人於庭詢其病皆曰開穴爲便塞穴爲不便遂定不築陳翁

港之請以驗其說是歲夏潦不減於常年獨陳兌導下流之浸注之洞庭而無常歲衝潰之患農畝稍收乃大合士民講究之詞力陳古穴必合疏導之利以告於府時通議大夫趙公剖符江陵嚴明正大見義勇爲下車問疾苦甚悉遂以牘上於行中書省參知政事行荆湘湖北道宣慰使司脫字季而而山南山北道肅政廉訪副使孕兒只與二公之意尤合力爲贊助私意不得投於其間是以請愈堅講究愈熟其利害愈白受水之患地隸兩省河南省則委江陵路治中嘉山海牙參政湖廣省則委澧州路治中李公奉政皆詳明廉幹通達今昔故其申述窮極源委議論畢合請於省臺聞於朝廷遂下合開六穴之令郝穴則江陵赤剝則監利石首則楊林宋家調絃小嶽與焉元年秋大熱網罟之地轉而犁鋤菰蒲之鄉化爲禾黍雖竭江漢之蕩浮不足以形容惠民之聖政真太平盛觀也蓋嘗論水之利莫詳漢志治水之跡莫神禹功隄防壅塞失利致害非古意也遷史溝洫之筆有取賈誼典利除害之說以詔來世今夫諸穴通則爲利塞則爲害較然甚明曩開塞穴之初未嘗無陳其不利者前乎此時非陳公言之時人無主公言之人不惟不主且以己之私撓人之公宜其有言略見舉行旋聞寢罷斯民有幸諸公一心同主公論利民之事達乎上害民之弊革於下學道愛人承流宣化其善亦盡矣澤水天數也酸棗金隄宣房瓠子人力也疏通之論不可磨滅邀功生事毋以適然之水藉口或謂開穴之利今已見之復民田之利誰與領此後來者願廣數公之志

三遊洞記

明林俊

山自巫峽而東多奇勢雲峯烟靄雪巖而風竅如笋苗乳垂門闥而指戟懸懸張帳而流蘇下綴如猱猱攫擊神樓鬼戶豹虎蛟龍之穴競妍爭媚相怪險目左右接不暇黃牛五峯雄峙巖影若黃牛陵廟在焉又東峽東水益隘兩石夾拱人立名指公峽又東水漸平山亦漸乏奇勝洞隱然山陰循鳥徑曲折數百武及山之巔下仄徑崖險以甚偈俯瞰無底左掖一人一人扶右皆帖石側行修繩前引後者緩悍予於中猶自踴心顫目以眩息不時貫歷數曲地少平腰折百武出石下地又平穹然一洞上如覆蓬高六丈餘廣優其半奇石牆立中擎三柱非圓非方上廣而銳直下洞爽以曠如堂可布三十席柱之旁三空如戶聯以三奧室中右室可布四席左室可布十席上空若懸扣之類鐘名天鐘槌其下音如鼓所謂地鼓者也旁橫一石擊之音若磬正德庚午余征藍賊道經遊焉從者考擊以待予疑僧候迎意會之皆由虛發由上皆石懸者大以圓故如鐘突者方以小故如磬下雜以土故達達然鼓音室之背有石如牀可臥十許人西如廚東如座凡洞之石如鑿如鏤如穴以出水如陶室如複道如綴珠懸琉如蟠螭如刻畫雲鳥藻火波濤之狀巧雕不能舉丹青者無得而摹寫彷彿之也下橫一溪名下半年僅聞水聲冷然地底外一山如臺臺中如立筴其他亦乏奇勝洞奪之矣予玩適久之留詩三章而去然其意未嘗不在洞也明年壬申東歸再遊坐良久室中鐘鼓雜鳴入聽之二僕攜酒一壺肝若笋二豆而至予酌酒三啖肝嚼

笋餘均二吏與從而遊者既去未忍別去簪彪者儼伺種故野不知余猶在也手桑弓挾矢躍洞戶而出曰好妙好妙從者目之微笑余亦笑既還從者曰置之都會何如余曰亦方外之有車轍馬迹之塵人知之失其性矣天祕而地私之有所謂哉先是遊者白樂天兄弟元微之後是老泉三父子故號三遊今惟余在焉

石首城內山園記

袁中道

繡林之顯枕江其址坦遠半在城故背城而居者皆有山可眺望長石宅後即爲山陟其巔則兩山峯巒列髻而出江流晶晶其下有石楠一株最古取以名其館草萊叢生甚朴野然實爲覽勝勝處其右數十家外得王太學養盛園中有亭望南山草木了了其後最近繡林之巔遊人羣眉可見而水石相搏之聲淙淙入耳其中石骨披露處鐵壁繡若饒古意右數十家外爲王中祿季清園門徑有方塘貯水可十畝老桂數十株半山有亭壽藤一壁作殷紅色不以碧綠盤石一具可奕有洞可容數十人今封閉未敢開由洞門登山松下怪石礚礚望龍蓋最近江流益闊帆影可攬夫城市櫛比之地得數畝種花竹足矣安望有山即有山亦未必與水相濫而今者大江復浩然繞山而出不杖履而其登眺飲食起居與山水相偶此亦有異福予家公安爲水所囑不適有居而先世村落又與此相近中郎方卜居沙頭予謂不若此地之富烟雲也

青溪記

前人

去玉泉五里許爲一音寺界一音寺亦智者所建峰

巒甚多總名爲一音寺巖也翔舞飛騰已異玉泉中有兩峰特起若象王迴顧下有聚落青山臨流正玉泉青溪中路詢一音寺址云正在巖巔今廢矣可四五里許始入青溪諸山之界裂巒奔雲委態橫生昔遊桃花源上酷愛其山勢生動天外浪壁層層以爲稀有今見此山不啻故人生平有山水癖夢現常在吳越間豈知眉睫前有青蓮世界乎夫論峰勢玉泉最爲尊特苦其層疊多態起伏迴環吾不能不受青溪諸山少年見妖姬高士見山色雖濃淡不同其怡志銷魂一也已近寺忽見山溪湧澎湃舞是爲青溪青溪之跳珠濺雪亦無以異於諸泉獨其水色最奇蓋世間之色其爲正也間也吾知之獨於碧不甚了然今見此水乃悟世間真有碧色如秋天如晚嵐比之含烟新柳則較濃比之晚籜初篁則較淡溫如玉滑如執至寒至腴可拊可餐至其沉鬱深厚之處蟠伏蛟盤窅不可測入寺後折而右步至龍女廟即青溪發源處昔僧法琳於此作論龍女來聽因祠之祠前有方廣地最宜聽水相傳泉發源周江故與江水共消長然石中出泉至冬猶澎湃乃諸泉所無泉之上有峰一壁若燭淚下江駭使巖嶽可畏其色朱碧相宣霞雪雜出皆千萬年雨溜所成爲洞二大士洞徑路斗絕惟臥雲洞在道傍若夏屋可居即琳法師著論處元又有臥雲禪師居之故亦名臥雲洞洞邊石磊磊色碧而中空酷似太湖之佳者與度門覓一卓菴處後倚危石前臨九子晚飲龍女廟前按水經注青溪水出縣西青山之東有溫泉即青溪源也以源出青山故曰青溪今人殊不知溫泉青山名盛弘

之云洞水旁生凌空交合危樓傾出恆有落勢風泉傳響於青林之下巖巖流聲於白雲之上遊者常若目不周翫情不給賞是以林徒棲託雲客宅心多結道士精廬卽此地也則青溪之勝其來久矣秋陵亦有青溪發源鍾山水光山色遠不及此而此處名不甚顯題味亦少豈非以其僻哉侯景叛時陸法和正住青溪與南郡朱元英論兵事蓋青溪固居士往來處亦宜祠

青谿秀壁山記

區懷瑞

臨沮西有青谿秀壁其地入遠安境去玉陽三十里每於城北延眺高峯插天翡翠一片若挹若注若竦若踞不可方物幽異瑰璋見述異記與盛弘之荊州記足令神往其於玉泉隴阜相接徑遂相屬探奇士每窮究焉出玉陽湖沮西北爲乾谿白石齒齒皆枯欄也沿谿西行越小嶺出玉陽境則巖巖疊嶂空綠點點常撲馬首忽如千層碧浪汨汨少海始信玉陽西北山谿別作世界路轉紆仄山轉幽峭行二里有石橋則青谿注沮東出也聲噴薄如雷聽泉數里涼沁神骨又數里入青谿古寺樅枯數十圍皆百年物佛廬東爲古方丈西有泉實其縣皆石壁下迸如湧雪浮沸之勢何但萬斛水之色聲氣味與人相宜不知從何置品而袁小修游記以爲水色正碧舉凡水皆不得其形似纔見一端其味淡而不甘平而不冽盤蜺不腥沫濤不混其氣四時皆秋或激石縫或迸沙磔跳波散沫恒高數尺渟渟千餘畝澎湃千狀衰志皆未逮也又西龍女祠祠左上方爲臥雲洞卽雲光法師寫經處又有大士洞桃花洞循青谿

西數麓更越高嶺下得幽磻蹴踏廢巖石稜每胥衣袂人行磻底洞兩崖煙扉霧縠怪藤引蔓古木垂樛丹翠斑駁乍開乍合真應接不暇左右多結道士精廬今惟雲鳥逢迎卽野納不可得曲折數里始達鬼谷洞扉門丈許兩壁及洞底恆作波浪紋洞口祀鬼谷子轉八百餘武若衣澤滑凡十餘折約里許穹隆處時窺天一隙蝙蝠大如缶驚炬往來如織又折而入有石田石潭有方廣石如碁秤遊者或得黑白碁子是行也得青谿龍湫足消煩暑郢地鮮巖壑得石竇如甕罈纔容几案便詫奇絕或加椎鑿而鬼谷竊窺隱深鬼斧不施天巧自然狙接蟪蛄杳冥無際百里內嵌空抗雲此爲寡儔弘之所記不我欺也